

范石湖詩集卷之十八

婺源黃昌衢康謠叅訂

宣城袁啓旭士旦校閱

四時田園雜興六十首

并序

淳熙丙午沉疴少紓復至石湖舊隱野外卽事輒
書一絕終歲得六十篇號四時田園雜興

柳花淡巷午雞聲桑葉尖新綠未成坐睡覺來無
一事滿窗晴日看蠶生

土膏欲動雨頻催萬草千花一餉開舍後荒畦猶
綠秀鄰家鞭笋過牆來

高田二麥接山青
傍水低田綠未畊
桃杏滿枝春似錦
踏歌催鼓過清明

老盆新熟杜茅柴
攜向田頭祭社來
巫媪莫嫌滋味薄
旂亭官酒更多灰

社下燒錢鼓似雷
日斜扶得醉翁回
青枝滿地花狼籍
知是兒孫鬪草來

騎吹東來里巷喧
行春車馬鬧如烟
繫牛莫礙門前路
移繫門西碌碡邊

寒食花枝插滿頭
舊裙青袂幾扁舟
一年一度遊山寺
不上靈巖卽虎丘

郭裏人家拜掃回
新開醪酒薦青梅
日長路好城門近
借我茅亭暖一杯

步屨尋春有好懷
雨餘蹄道水如杯
隨人黃犬攬前去
走到谿橋忽自迴

種園得果屨償勞
不奈兒童鳥雀搔
已插棘針樊筍徑
更鋪漁網蓋櫻桃

吉日初開稻種苞
南山雷動雨連宵
今年不欠秧田水
新漲看看拍小橋

桑下春蔬綠滿畦
菘心青嫩芥臺肥
溪頭洗擇店頭賣
日暮裹鹽沽酒歸

紫青萼葉卷荷香玉雪芹芽拔薤長自擷溪毛充
晚供短蓬風雨宿橫塘

湖蓮舊蕩藕新翻小小荷錢沒漲痕斟酌梅天風
浪緊更從外水種蘆根

蝴蝶雙雙入菜花日長無客到田家雞飛過籬犬
吠竇知有行商來買茶

湔裙水滿綠蘋洲上已微寒懶出遊薄暮蛙聲連
曉鬧今年田稻十分秋

新綠園林曉氣涼晨炊蚤出看移秧百花飄盡桑
麻小夾路風來阿魏香

三旬蠶忌閉門中鄰曲都無步行蹤猶是曉晴風
露下采桑時節暫相逢

汗萊一稜水周圍歲歲蝸廬沒半扉不著菱菁難
護岸小舟撐取葑田歸

茅針香軟漸包茸蓬樞甘酸半染紅采采歸來兒
女笑杖頭高挂小筠籠

穀雨如絲復似塵煮瓶浮蠟正嘗新牡丹破萼櫻
桃熟未許飛花減卻春

雨後山家起較遲天窗新色半熹微老翁欹枕聽
鶯囀童子開門放燕飛

海雨江風浪作堆時新魚菜逐春回
荻芽抽筍河純上棟子開花石首來

烏鳥投林過客稀前山烟暝到柴扉
小童一棹舟如葉獨自編欄鴨陣歸

梅子金黃杏子肥麥花雪白菜花稀
日長籬落無人過惟有蜻蜓蛺蝶飛

五月吳江麥秀寒移秧披絮尚衣單
稻根科斗行如塊田水今年一尺寬

二麥俱秋斗百錢田家喚作小豐年
餅爐飯甑無饑色接到西風熟稻天

百沸縲湯雪湧波漕車嘈贊雨鳴蓑
桑姑盆手交相賀綿繭無多線繭多

小婦連宵上絹機大耆催稅急於飛
今年幸甚蠶桑熟留得黃絲織夏衣

下田戽水出江流高壟翻江逆上溝
地勢不齊人力盡丁男長在踏車頭

晝出耘苗夜績麻村莊兒女各當家
童孫未解供耕織也傍桑陰學種瓜

槐葉初勻日氣涼葱葱鼠耳翠成雙
三公只得三株看閑客清陰滿北窗

黃塵行客汗如漿少住儂家漱井香借與門前盤
石坐柳陰亭午正風涼
千頃芙蓉放棹嬉花淡迷路晚忘歸家人暗識船
行處時有驚忙小鴨飛
采菱辛苦廢犁鉏血指流丹鬼質枯無力買田聊
種木近來湖面亦收租

蛸塘千萬沸斜陽蛙黽無邊聒夜長不把癡聾相
對治夢魂爭得到藜牀
杞菊垂珠滴露紅兩蛩相應語莎叢蟲絲罨盡黃
葵葉寂歷高花側晚風

朱門巧夕沸歡聲田舍黃昏靜掩扃男解牽牛女
能織不須邀福渡河星

橘蠹如蠶入化機枝間垂繭似蓑衣忽然蛻作穿
花蝶翅粉纔乾便學飛

靜看簷蛛結網低無端妨礙小蟲飛蜻蜓倒挂蜂
兒窘催喚山童爲解圍

垂成穡事苦艱難忌雨嫌風更怯寒戕訴天公休
掠剩半償私債半輸官

秋來只怕雨垂垂甲子無雲萬事空獲稻畢工隨
曬穀直須晴到入倉時

范石湖詩集卷五
中秋全景屬潛夫
棹入空明看太湖
身外水天一色
城中有此月明無

新築牆泥鏡面平
家家打稻趁霜晴
笑歌聲裏輕雷動
一夜連枷響到明

租船滿載候開倉
粒粒如珠白似霜
不惜兩鍾輸一斛
尙贏糠覈飽兒郎

菽粟瓶罌貯滿家
天教將醉作生涯
不知新滴堪菑未
今歲重陽有菊花

細搗棖虀買鱸魚
西風吹上四腮鱸
雪鬆酥膩千絲縷
除卻松江到處無

新霜徹曉報秋深
淡染盡青林
惟有橘園風景異
碧叢叢裏萬黃金

斜日低山片月高
睡餘行樂繞江郊
霜風掃盡千林葉
閑倚筇枝數鵲巢

炙背簷前日似烘
暖醺醺後困蒙蒙
過門走馬何官職
側帽籠鞭戰北風

屋上添高一把茅
密泥房壁似僧寮
從教屋外陰風吼
臥聽籬頭響玉簫

松節燃膏當燭籠
凝烟如墨暗房櫳
晚來枳淨南窗紙
便覺斜陽一倍紅

乾高寅缺築牛宮卮酒豚蹄醉土公牯特無瘟犢
兒長開年添種越城東
放船開看雪山晴風定奇寒晚更凝坐聽一篙珠
玉碎不知湖面已成冰
撥雪挑來踏地菘味如蜜藕更肥醲朱門肉食無
風味只作尋常菜把供
榾柮無烟雪夜長地爐煨酒暖如湯莫嗔老媪無
盤飣笑指灰中芋栗香
煮酒春前臘後蒸一年長饗甕頭清麈居何似山
居樂林米新來禁入城

黃紙蠲租白紙催皂衣
芴午下鄉來長官頭腦冬
烘甚乞汝青銅買酒廻

探梅公子欵柴門
枝北枝南總未春
忽見小桃紅似錦
卻疑儂是武陵人

村巷終年見俗情
鄰翁講禮拜柴門
長衫布縷如霜雪
云是家機自織成

自晨至午起居飲食皆以牆外人物之聲爲

節戲書四絕

巷南敲板報殘更
街北彈絲行誦經
已被兩人驚夢斷
誰家風鶴鬪鳴鈴

菜市喧時窗透明
餅師叫後藥煎成
閑居日出都無事
惟有開門掃地聲
北砦教回搗鼓遠
東禪飯熟打鐘頻
小童三喚先生起
日滿東窗暖似春
起傷東窗手把書
華顛種種不堪梳
朝餐欲到須巾裹
已有重來晚市魚

舫齋信筆

燕居故可樂
病臥翻可憐
身閒儻更健
其人半神仙
旣無揚州鶴
龍鍾任吾年
南齋淡而明
略似西江船
船中何所有
藥氣雜爐烟
親朋稀老伴
暫來

卽飄然秋蠅獨戀戀
終朝相撲緣霜晴
日色濃窗紙烘春妍
但愁添眼花
瞑坐聊叅禪
困從定中生
膏騰夢相牽
三昧未得力
千魔方現前
欠伸付一笑
朽腐難瑯鐫
東藍午齋動
風順鐘鼓傳
家人亦相呼
趣具先生盤
牛飼能幾何
蟬腹易便便
此日雖可惜
姑付食與眠

病中不復問節序
四遇重陽旣不能
登高又不觴客聊
書老懷

四時變遷翻覆手
百卉於人亦何有
騷客顛詩亦狂酒
強惜黃花愛重九
少年習氣似陶公
采采金

英滿衣袖攜壺木末最關情
欵帽風前幾搔首饒
吻偏憐粽栗香新衣
不管囊萸臭貪將節物
趁遨頭肯向賓筵稱
病叟如今衰颯悟空華
現在未來飛雷走登臨
舊跡如夢斷觴詠故人
多骨朽百年長短隨隙
駒萬化陳新直芻狗不
堪把玩堪一笑安用歲
時歌拊缶家人亦復探
新荔插花洗醖爲翁壽
蒲團困坐眼慵開莫把
故情春老醜挽鬚兒
女太癡生更問今年有
詩否

閭門初泛二十四韻

淳熙丙午重九後十日
家人輩以余久病適新

修小舫勸扶頭一出以禳屯也

好在馳烟路平生載酒行
摧藏身久病契濶歲頻
更昨夜燈花繞今朝稻
把晴出門新夢境觸日
舊詩情水遠推篷眩天
寬倚柁驚轉灣添絳挽
菴岸併篙撐舫後裝兒
女艫前酌弟兄醅香新
麴嫩茗味小春輕紅皴
分霜果黃蕪撚夕英纈
林疎露屋朱閣靜臨城
桃塢論今昔楓橋管送
迎山腰樵擔動木末酒
旂明竟日窰烟直中流
塔影橫數帆殘照滿一
笛暮江平曬網楓邊桁
牽魯柳際棚岫雲縈石
住田水穴堤鳴過渡牛
歸速穿籬犬吠獍魚寒
猶作陣鴈遠更聞聲急
榜潮痕出疎鐘暝色生

鄰翁欲問訊逋客愧寒盟一昨成歸臥今負耜
耕生涯都塌颯心曲漫崢嶸猿鶴休多怨菰葦尙
可羹藥囊吾厭苦扶僊且班荆

小春海棠來禽

東君好事惜年華偏愛荒園野老家一任西風管
搖落小春自放數枝花

丙午東宮壽詩

國綦丁年盛天開甲觀祥黃離增煥炳赤伏衍明
昌一日三天見元辰萬國良姿神輝玉裕德業粲
金相書聖規宸藻文心儷漢章乾坤參久大日月

並升常祖武瞻興慶親庭拱未央晨昏兩慈壺詩
禮一賢王道統家傳正炎圖國本強桑弧仍穀旦
銅律又清商舊事蘭猗殿新涼桂子香黃華先萼
露青女暖行霜史賀星同軌農歌稼滌塲與齡占
夢帝多祐叶思皇磬石重山固靈源少海長三宮
同壽域歲歲頌無疆

重陽後菊花二首

寂寞東籬濕露華依前金靨照泥沙世情兒女無
高韻只看重陽一日花

過了登高菊尙新酒從詩客斷知聞恰如退士垂

車後勢利交親不到門

驟寒吟

九月奇寒前未聞
巷南巷北無行人
冥凌盡用大冬手
肯爲歲華留小春
陰風吹雨作冰屑
駝裘如鐵錦裘折
可憐籬下木芙蓉
不獨宜霜更宜雪

重陽後半月天氣溫
麗忽變奇寒晦日大雪

鄉人御冬之計多未辦

狂飈吹小春刮面劇劍鋸
雲氣潑濃墨牛窗變暝
黃六花大如掌浩蕩來無鄉
青女正熟睡不記行
新霜隣暑故密移
滕吳乃爾狂南鄰
炭未買北鄰

綿未裝敢論酒價湧
束薪逾桂芳豈不解蚤計善
舞須袖長頻年田薄收
十家九空囊被凍知不免
但恨太匆忙今朝復何朝
晴色挂屋梁人物各解嚴
兒童笑相將熙如谷黍
溫免作溝木僵兩鄰報
無恙爲汝歌慨慷

戲詠絮帽

尖斜緇撮似兜鍪
緊護風寒暖白頭
不解兵前當箭鏿
解令曉枕睡齁齁

雪中送炭與龔養正立春前五日

誰與幽人暖直身
筠籠衝雪送烏薪
煩君笑領婆

歡喜探借新年五日春

代門生作立春書門貼子詩四首

暖日黃金柳光風白玉梅
門闌開壽域人物滿春
臺

有喜何須藥無塵卽是仙
壺中春日月聊數八千
年

草木霑雲露峰巒近璧奎
新春行樂處南北共花
溪

日月添書帙湖山引杖藜
賸周花甲子多醉玉東
西

送聞人伯卿赴銅陵

雪壓關山書掩扇故人何事短
長亭折腰直爲瓶
無米便腹猶憐筍有經牒訴塵埃
頭更白簡編燈
火眼終青可憐東壁輝光外寥落
江湖處士星

重送伯卿

雪花來無時入春遂三作水柱凍
不解去地纔一
握東風畏奇寒未敢破梅萼已僵
負嶠蠶那問紇
干雀萬徑無行蹤扣戶驚剝啄故
人竹葉舟歲晚
夢漂泊白云饑所驅豈不念丘壑
經諫金華省文
采石渠閣平生百未試墨綬嚇猿
鶴取拾一熊掌

得喪兩蝸角不嫌干進鈍俯仰無媿怍低回簿書
叢萬卷無處著惜哉小舉袖負此不龜藥頗聞江
臯縣訟簡民氣樂政成松竹林詁訓緝家學迺翁
力菑畚待子收播穫三年此書山衆說眇螢爝持
歸計闕觀慰我久離索今朝雲潑墨霰雨縱橫落
檣竿挽不住帆峭北風惡難忘昆弟語易撒清夜
酌匆匆別知賦掩涕倚郭郭

送壽老往雲門行化

天平船子過華亭舍衛城中次第行留取鉢盂歸
院洗東巖軒出一泉清

次韻王仲行尚書鹿鳴燕古風

昔人重遠行供帳餞出祖矧今燕嘉賓友有贈行
語府公文章公青紫拾芥取聯翩二百言字字勸
稽古戒之書魚蠹勉以雲鵬舉作霖要實用洗兵
嫌不武諸生承意氣脫跡蛻農圃明年一聲雷幽
蟄起平楚班行入鴛鴦榜貼綴龍虎回頭謝府公
公言非漫與府公亦廟廊來蒞瓊林俎子載吳趨
行愁絕白紵舞我聞有此作病臥嗟未覩今晨梅
驛動副墨到衙宇調高瑟音希苾寒劍光吐誰云
鹿鳴廢正賴廣微補當年羣玉會方駕秋旻羽倡

酬久寂寞邂逅相勞苦世故萬浮雲交情一舊雨
誰當將詩壇君實東道主

苦寒六言

簷冰低挂欄角隙雪斜侵坐隅春後一寒如此梅
花有信來無

丁未春日瓶中梅殊未開二首

暖閣無人到寒枝爲我橫情鍾吹藥破靜極覺香
生老去魂休斷春來眼且明逃禪時索笑百匝傍
窗行

夜雪臘前凍朝陽春後蘇人憐疎藥瘦花笑病翁

懼露白能多少尋春似有無詩催全不力煮水換

銅壺

再題瓶中梅花

園林籬落凍芳塵南北枝間玉蘂皴風袂挽香雖
澹薄月窗橫影已精神雪霜春事年年晚今古詩
情日日新鐵石如翁猶索句真成嚼蠟對橫陳

王仲行尙書錄示近詩聞今日勸農靈巖次

韻紀事

館娃宮殿壓雲頭自昔登臨隘九州雪浪長風三
萬頃蒼烟古木二千秋賓僚誰伴作詩苦父老競

傳敷政優想見歸驂穿夜市月邊燈火滿西樓

仲行再示新句復次韻述懷

神仙嬾學古浮丘祖意慵叅老趙州四壁塵埃心
似水一生風露鬢先秋病衰謹謝吳中客技拙甘
同楚國優斥鷃蓬蒿猶自足世間何必臥高樓
李子永赴溧水過吳訪別戲書送之二首

萬壑斷流水塞川千巖森玉雪漫天匆匆葉縣雙
鳧鳥換卻山陰訪戴船

犯寒書劍出春風雪橋邊得句多牒訴續紛似
烟海梅花時節奈君何

民病春疫作詩憫之

乖氣肆行傷好春十家九室寒蟹吟陰陽何者強
作孽天地豈其真不仁去臘奇寒衾似鐵連年薄
熟甑生塵疲暈憊矣可更病我作此詩當感神

題夫差廟

縱敵稽山禍已胎垂涎上國更荒哉不知養虎自
遺患只道求魚無後災夢見梧桐生後圃眼看麋
鹿上高臺千齡只有忠臣恨化作濤江雪浪堆

翻鞞菴夜坐聞雨

閒門冷落靜無譁小閣簾幃密自遮日晚課程丹

竈火夜淡光景佛燈花人生寧有病連歲身世略
如僧在家步履尋春非老伴任教風雨喚雷車

睡起

憨憨與世共兒嬉兀兀從人笑我癡閒裏事忙晴
曬藥靜中機動夜爭碁心情詩卷無佳句時節梅
花有好枝熟睡覺來何所欠羶根香軟飯流匙

賞海棠三絕

芳春隨分到貧家兒女多情惜歲華聊爲海棠修
故事去年燈燭去年花

燭光花影兩相宜占斷風光二月時但得常如妃

子醉何妨獨欠少陵詩

憶向宣華夜倚欄花光妍暖月光寒如今蹋颯嫌
風露且只銅瓶滿插看

午窗遣興家人謀過石湖

雲日初收破柱雷小窗坐隱興悠哉薰爐花氣朝
醒解茶鼎松風午夢迴謝客門闌風動竹惜春時
節雨肥梅畫船破浪亦一快聞道湖光如撥醅

將至石湖道中書事

水綠鷗邊漲天青鴈外晴柳堤隨草遠麥壟帶桑
平白道吳新郭蒼烟越故城稍聞雞犬鬧僮僕想

來迎

三月十六日石湖書事三首

春事日以闌暑陰正清美拖筇入林下秀綠照衣
袂盧橘梅子黃櫻桃桑椹紫荷依浪花顫筍破苔
色起風日收宿陰物色有新意鄰曲知我歸爭來
問何以病腦今有無加飯日能幾掀髯謝父老衰
雪已如此

種木二十年手開南野荒冉冉新歲月依依舊林
塘汙萊擅下濕岑蔚驕衆芳菱母尙能瘦竹孫如
許長憶初學圃時戴笠冒風霜今茲百不堪裹帽

人扶將龍鍾數能來猶勝兩相忘

湖光明可鑑山色淨如沐閒心愜舊觀愁眼快奇
矚依然北窗下凝塵滿書簾訪我烏皮几拂我青
氈褥荒哉賦遠遊幸甚遂初服老紅餞餘春衆綠
自幽馥好風吹晚晴斜照入疎竹兀坐胎息勻不
覺清夢熟

或勸病中不宐數親文墨醫亦歸咎題四絕
以自戒末篇又以解嘲

作字腕中百斛吟詩天外片心習氣吹劍一呖病
軀垂堂千金

意馬塲中汗血隙駒影裏心灰吉蠲筆墨安用付
與蛛絲壁煤

詩成徒能泣鬼博塞未必亡羊剛將妄言綺語認
作錦心繡腸

師爝尚合餘燼羹熟休吹冷齏解醒縱無五斗且
復月攘一雞

送遂寧何道士自潭湘歸蜀二首

塵埃波浪幾東西歸去簞瓢挂杖藜戊巳爐中真
造化功成分我一刀圭

書劍飄然席未暖火雲撲地暑烟昏山黃水濁湖

南路竹月荷風憶范村

立秋二絕

三伏薰蒸四大愁暑中方信此生浮歲華過半休
惆悵且對西風賀立秋

折枝楸葉起園瓜赤小如珠燕井花洗濯煩襟酌
節物安排笑口問生涯

秋雷歎

三秋之雷損萬斛吳儂記此占年穀汰哉豐隆無
藉在政用此時鳴孛轆向來夏旱連三月吁嗟上
訴聲滿屋訟風未憖復占雷助魃爲妖天吏酷我

雖閒寂忝祠史家請官供尙倉粟塵甑貧交滿目
前卒歲將何捄枵腹但願吳儂言不驗共割黃雲
炊白玉天人理近叵戲論裨竈安能尸禍福

用漢中帥閻才元侍郎韻送樊子南西歸兼

呈侍郎

萬里山巔與水涯春風招看杏園花向來科第直
洞子此去文章應滿家休學遊仙窮越雋且從知
已控褒斜南樓東望當思我藥裏堆中兩鬢華

書樊子南遊西山二記後

仙山草木鎖卿雲不到花平不離塵十丈牡丹如

錦蓋人間姚魏卻爭春

右牡丹瓶

春晚娑羅百葉開仙翁精舍長蓬萊朝元未罷門
深閉不管人間有客來

右大面

題天平壽老方丈

二十三年再入山此山於我有前緣時天不用憐
衰病天與丹房一線泉

壽長于石壁之中
得泉眼如一線

再遊天平有懷舊事

訪舊光陰二十年殘僧相對兩依然木蘭已老無
花發石竹依前有麝眠萬戶直須龜手藥一龕何
用買山錢從今半座須分我共說昏昏一覺禪

重九日行營壽藏之地

家山隨處可行楸荷插携壺似醉劉縱有千年鐵
門限終須一箇土饅頭三輪世界猶灰劫四大形
骸強首丘螻蟻烏鳶何厚薄臨風拊掌菊花秋

得壽藏於先隴之傍俯酬素願感慨交懷

密邇松楸地一隅會心何必問青烏亢宗雖愧鎮
西子沒世尙從先大夫京兆漢遷賢問望邢山鄭
冢儉規模家庭遺訓君蒿在不學邠鄉畫古圖

晚登木瀆小樓

萬象當樓黼繡張欄干一士立蒼茫雲堆不動山
淡碧星出無多月淡黃宿鳥盡時猶數點歸鴉驚
處更斜行松陵政有鱸魚上安得長竿坐釣航

題秋鷺圖

昨夜新霜冷釣磯綠荷消瘦碧蘆肥一江秋色無
人問盡屬風標雨雪衣

送蘇秀才歸永嘉二首

再入庭闈再入山偷閒百日了金丹他年拔宅上
升後休道使親忘我難
大道凝神術養形形神俱煉始功成勸君觀妙還
觀微先作頽仙地上行

東宮壽詩

有赫題期盛無疆嗣歷昌中興歸濬哲重慶啓元

良兩亥開基遠三丁系統長

恭惟藐祖太宗皇帝元命皆在亥今太

主上殿下天元皆在丁

帝咨同物瑞人卜降年祥離日融雙

照乾天秉少陽晨昏周內寢詩禮舜巖廊極右辰
居煥心前火德光與齡偕聖父得壽叶虛皇銅律
風占兌瑤山樂奏商萸芳鄰五位菊色麗中央視
膳斑衣供傳觴玉契將宸楓霜獻葉仙桂月輪香
薰炷爭延祝吟戔曷讚揚形容仁與學步障有雲
章

送同年朱師古龍圖赴潼川二首

杏園耆舊如晨星白頭相對眼終青奉常禮樂照
東蜀十年清名留漢廷蜀人咸佑天恩厚高議清
陰猶記否邇來問道更蠲陰此段始終君一手
歸見岷峨無愧詞父老笑迎還歎客賈生未肯去
宣室屯膏一洲誰謂空魏闕江湖同出處招頭不
用催鳴榔遙知夢境尙京塵啞吃滿船聞魯語蜀人

以中原語音爲魯語

題趙希遠按鷹圖

學射春山萬歲湖牙門獵騎卷平蕪如今黃土原

邊夢猶識呼鷹吠犬圖

題米元暉吳興山水橫卷

道場山麓接何山影落茗溪浸碧瀾只欠荷花三
十里橈頭船上把漁竿

圍田歎四絕

萬夫墮水水乾源障斷江湖極目天秋潦灌河無
洩處眼看漂盡小家田

山邊百畝古民田田外新圍截半川六七月間天
不雨若爲車水到山邊

壑鄰罔利一家優水旱無防衆戶愁浪說新收若

干稅不知逋欠萬新收

臺家木利有科條膏潤千年廢一朝安得能言兩
黃鵠爲君重唱復陂謠

素羹

羶芋凝酥敵少城土諸割玉勝南京合和二物歸
藜糝新法儂家骨董羹

夜雨

燭花垂穗伴空齋心事如灰入壯懷老倦更闌惟
熟睡任他疎雨滴空堦

野景

菰蒲聲裏荻花乾
鷺立江天水鏡寬
畫不能成詩不到
筆端無處著荒寒

除夜地爐書事

節物閒門裏
人情老鏡中
鴈聲凌急雨
燈影戰斜風
糟醕新醅白
柴錐軟大紅
家人歡夜話
我已困蒙茸

吳人酌酒甕浮醅謂之擊醕

元日立春感歎有作二首

元日兼春日
霜寒又雪寒
併煩傳菜手
同捧頌椒盤
疊膝稀穿履
扶頭嬾正冠
五年如此度
寧得諱衰殘

元日兼春日
間身是老身
行年申直戊
交運丑支辛
豈敢綦安佚
聊希利鈍屯
兒童看書戶
把筆已如神

古鼎作香爐

雲雷縈帶古文章
子子孫孫永奉嘗
辛苦勒銘成底事
如今流落管燒香

偶書

掇目華中影
現身有爲皆妄懶
方真已甘搨搨勤
爲圃休向滔滔苦
問津書至五千空
拄腹錢非十萬不通神
君看汗簡沉碑者
隨水隨風幾窄塵

太上皇帝靈駕發引挽歌詞六首

紹運鍾陽九興王撫半千斷鼇媧立極翔鳳漢中
天宵肝三星紀希夸十閏年聲容彌宇宙語石不
勝鐫

自將吳津騎誰嬰泰一鋒旄口連夜落京觀隔江
封舞武三成脩書文九譯重修攘遺策在嗣聖續
車攻

簫勺妖氛靜甄陶叶氣還春回慈殿駕天作佑陵
山開闢風雲慘登平日月閒艱難雖獨瘠壽域徧
人間

傳聖家人禮凝神象帝先勲華今曆數汾射古山
川衆父尊歸父中天更有天壽宮何所厭亟上白
雲仙

帝業雖天廣皇心本谷虛神應游渾沌夢不返華
胥校德難涯俟銘功總緒餘誰能言大道第入四
墳書

文德堯新廟威靈禹舊山海門賓羽衛地軸啓雲
關無路攀仙駕當年拱聖顏小臣衰疾淚空望帝
鄉潛

別擬太上皇帝挽歌詞六首

身濟投艱業時乘撥亂機荆榛荒帳殿風雨頽戎
衣有日臨荒道無心彗紫微至今淮海上猶咏六

龍飛

太上皇帝御製詩云六
龍轉淮海萬騎臨吳津

大孝天孚祐精誠敵可摧龍輜遷座至駟馭及泉
回永祐千章木慈寧萬壽杯古今無此事絕德詔
方來

斂福開皇極儲祥握赤符寇降干契偷口拜兩單

口

遺誥之下淮北父老涕泣曰太上皇帝真主也
實受北口兩朝之拜謂直亮二首嘗在聘使中

洗甲民安枕垂衣國覆盂有生何以報壽域亘綿

區

與子傳神器承家得聖人堦庭天下養壺嶠海中

春四葉斑衣樂三加玉冊新壽宮如帝所何必上

霄宸

舞羽修文後投戈講藝時天章雲漢麗國典日星

垂麟絕仲尼筆猿啼神禹碑傷心河洛水無處問

龍龜

甫賀蠅傳赦俄驚鶴馭風首山銅鼎就前殿玉卮

空日豈揮戈及天無鍊石功如何千萬壽不待幾

齡終

送許耀卿監丞同年赴靜江倅四首

南國春深鴈欲回
湘江花浪一帆開
知君不爲驂鸞去
直爲淵明五斗來

羅帶江流碧玉峰
舊游如夢一星終
煩披蘚苔尋題字
定有人能記此翁
鴈塔親交比斷金
故人歲晚更情深
只今不隔同年面
想見青雲異日心
官塗直有上竿魚
玉筍翻乘別駕車
聞道留行有公論
從今日日看除書

婺江黃昌倫叙五校字

范石湖詩集卷之十八

終

范石湖詩集卷之十九

婺源黃昌衢康謠叅訂

宣城袁啓旭士旦校閱

次韻虞子建見吟贖帶作醮二首

齋祠難著野衣冠
旋贖金章始見閒
苔架塵侵毳路暗
花書墨漬笏頭班
當年駟騎傳呼賜
此日村僮拂拭還
若比前廳荒驛舍
眼前猶可一開顏
兒女儔觀省見稀
病身聊復借光輝
莫嫌憔悴沈腰瘦
且喜間關秦璧歸
不是典來還酒債
亦非將去換蓑衣
塵魚甌釜時相阨
微汝誰能爲解圍

顏橋道中

村村籬落忽新修處處田疇盡有秋一段農家好
風景稻堆高出屋山頭

上沙捨舟

村北村南打稻聲竹輿隨處欵柴荆斜陽倒景天
如醉明日山行更好晴

宿閩門

五更潮落水鳴船霜送新寒到枕邊報道霧收紅
日上野翁猶蓋短蓬眠

攜家石湖賞拒霜

水上晴雲綵練橫許多蜂蝶趁船行漁樵引入新
花塢兒女扶登小錦城艷粉明妝朝日麗濕紅浮
影晚波清誰知搖落霜林畔一段韶光畫不成

壽櫟東齊午坐

屋角靜突兀雲氣低鴻濛殘葉颭疎雨孤花側婁
風北窗午睡起一笑萬事空無人共此意莎堦咽
微蛩

晚思

蘚牆莎砌響幽蟲睡起緜書覺夢空殘暑一林風
不動秋陽入竹碎青紅

壽櫟堂枕上

禪牀初著小山屏夜久秋涼枕蓆清繞髻飛蚊妨
好睡臥聽簷雨入池聲

宿妙庭觀次東坡舊韻二首

桂殿吹笙夜不歸蘇仙詩板挂空悲世人舐鼎何
須笑猶勝先生夢石芝

升降三田自有丹浪將盤鼎劖仙壇扣門倦客惟

思睡容膝菴中一枕安

觀董雙成故宅元祐間修造掘地得琉璃盤銅鼎中

有丹已而盤碎失丹惟鼎存焉

餘杭初出陸

村媪羣觀笑老翁宦塗何處若龍鍾霜毛瘦骨猶
千騎少見行人似箇儂

桐廬江中初打槳

二十年前鬢未斑下灘歸路落潮乾如今哀雪三
千丈卻趁潮平再上灘

釣臺

久矣心空客路埃茲行端為主恩來杜陵詩是吾
詩句臥病且登江上臺

和豐驛

晚景惟於閉戶空出門惟有病相隨四方雖是男

見志莫忘柯山在莒時

次韻龔養正病中見寄

衰翁掃軌欲垂車怪子頽然也向隅激木要令風
在下涸泉翻以沫相濡瘠肥邈爾自秦越勢利紛
然皆耳餘且復放船來話舊不妨蓮葉臥看書

題蜀果圖四首

沉沉黛色濃糝糝金沙絢卻笑宣州房競作紅救
面右木瓜

火齊寶瓔珞垂於綠繭絲幽禽都未覺和露折新
枝右櫻桃

日烘古錦囊露浥紅瑪瑙玉池嚙清肥三彭跡如
掃右石榴

夏膚麓已皴秋蒂熟將脫不辭抱蔓歸聊慰相如
渴右甘瓜

李粹伯侍御挽詞二首

奕葉邯鄲後乘驄第一人交情多舊雨到處有陽
春磊落功名意摧頽夢幻身黃墟高可隱何處著
經綸

公昔參敷納人期到辨章珠光空月皎玉氣忽虹
藏歲晚東方騎生平北海觴玳簪風雨散幾客奠

楸行

次韻袁起巖提刑遊金焦二山二首

二山巉絕照南州俯看帆檣總芥舟日脚鎔金浮
巨浸浪聲翻雪撼高丘鐘聞兩岸詩無敵口吸西
江話已酬別有英雄懷古意他年擊楫誓中流
憶會歸自雪邊州帆落中流小繫舟食蛤坐來期
汗漫駕鴻飛去揖浮丘臥遊久矣無登覽辱贈楚
然有唱酬寂寞東臯舒嘯後爲君濡筆賦臨流

次韻謝鄭少融尚書爲壽之作

交遊稀似曉來星歲月飄如水上萍桂海宦情詩

可紀吳山別恨酒難平我今以病爲欣戚公合於
時繫重輕安得故人來話舊碧空日日暮雲生

大成

與尚書相別于桂林今十二年矣

鄭少融尚書初除端殿以書見及賦詩爲賀
敬老尊賢大政初速郵響動報新除卽從光範開
門館先向文明直殿廬後日沙堤新宰相當年革
履舊尚書鋒車若向吳中路應記南山有荷鋤

書事三絕

爨婢請淘酒米園丁催算花錢如許日生公事誰
云窮巷蕭然

日日處方候脈時時推
茨穰災門外雖無車轍
醫
生卜叟猶來

簡子約同湖棹周郎許
過田廬碧雲日暮空合
多
病故人遂疎

親鄰招集強在便歸

樂天漸老欲謀歡大似蒸砂不作團
已覺笙歌無
暖熱仍嫌風月太清寒氣衰况復三
而竭心賞尤
於四者難卻恐人嫌
淡太薄聊將花作霧中看

次韻袁起巖常熟道中三絕

小雨蕭寒破曉晴
疎疎密密滴簷聲
烏鴉盤舞黃

雲亂早與商量雪意生

仄徑誰勝四牡駢
扁舟辛苦鑿冰歸
簡書鞅掌吟
詩苦併與東陽減帶圍

使君橫槩賦詩回
斷取天風海雨來
綵筆從今閒
不得雪花梅蘂一時開

次韻袁起巖許浦按教水軍二絕

橫波組練試揚舠
風捲魚龍海欲疑
但得綈袍如
挾纊何妨鐵甲冷如冰

戈船戰棹疾如飛
莫道潮沙殿海濱
草奏直須窮
利病奉身從此繫安危

次韻起巖喜雪

吹成一雪便吹殘風伯無端豈坐慳夜報飛花平
瓦壘曉驚疎雨落簷間休教凍解魚龍水更待誠
通虎豹關準擬姑蘇臺上看春前三度老青山袁詩
尤雪以未甚積必念此意當益感通矣

枕上聞雪復作方以爲喜起巖再示新詩復

次韻

三白何憂稼穡艱天於玉粒未吾慳不知夜色明
空外但覺朝寒到夢間誰子騎驢吟灞上何人跋
馬客藍關爭如睡熟團蒲上靜聽饑鴉啄屋山

起巖又送立春日再得雪詩亦次韻

十分佳景媚冬殘好事天心不復慳已遣梅花斜
竹外更飄瑞葉向人間漁蓑晚色卻堪畫羌笛春
光亦度關想得東風來處路白銀宮闕鎖三山

同年楊廷秀秘監接伴北道道中走寄見懷
之什次韻答之

昨遣長鬚迓詩老人言已過閭門了梅邊腸斷傷
寒溪詩老官忙應未知何時真訪山中許已辦竹
淡留客處只恐歸程官更忙天騶催上沙堤去

曉枕聞雨

暗澹更殘景低迷病酒懷別燈寒作伴添被厚如
埋膽冷都無夢心空卻似齋地爐煎粥沸聽作雨
鳴堦

雪意方濃復作雨

擬看飛花陣翻成聽水聲雨寧吾不識雪汝幾時
成三白從今卜千倉待此盈黃雲如有意青女莫
無情

春朝早起

莫笑眠嘗早還猜起不遲穠香溫夜氣小雨濕春
姿瘦比中年甚寒惟病骨知羨渠兒女健繞屋探

南枝

詠懷自嘲

簷溜春猶凍門扉晚未開退閒驚客至衰懶怕書
來日日教澆竹朝朝遣探梅園丁應竊笑猶自說
心灰

早衰

早衰頭腦已冬烘信拙心情似苦空僚舊姓名多
健忘家人長短總伴聾一窗暖日棋聲裏四壁寒
燈藥氣中晚景只消如此過不堪枯坐教兒童

習閒

習閒成懶懶成癡六用都藏縮似龜雪已許多猶
不飲梅今如此尙無詩間看猫暖眠氈褥靜聽鴉
寒叫竹籬寂寞無人同此意時時惟有睡魔知

一龕

一龕窄似鳥窠禪世界悠悠任大千與老有情冬
後暖去仙無幾日高眠斫開竹後初三徑忘卻詩
來又一年破戒忽題無味句劣能成字不成篇

陰寒終日兀坐

東風微解綴簷冰仍喜朝來井水清臘淺得春全
未暖雪慳和雨最難晴小窗日暖猶棋局窮巷更

淡尙屐聲莫把摧頰嫌暮景且將閒散替勞生

親戚小集

避濕違寒不出門一冬未省正冠巾月從雪後皆
奇夜天向梅邊有別春秉燭登臨空語舊擁爐情
味莫懷新榮華勢利輸人慣贏得尊前見在身

立春枕上

擇蔬翻餅鬧殘更兒女喧喧短夢驚想得春風連
衣到東禪粥飯忽分明

睡覺

尋思斷夢半瞢騰漸見天窗紙瓦明宿鳥噪羣穿

竹去縣前猶自打殘更

臘月村田樂府十首 有序

余歸石湖往來田家得歲暮十事採其語各賦一詩以識土風號村田樂府其一冬春行臘日舂米爲一歲計多聚杵臼盡臘中畢事藏之土瓦倉中經年不壞謂之冬舂米其二燈市行風俗尤競上元一月前已賣燈謂之燈市價貴者數人聚博勝則得之喧盛不減燈市其三祭竈詞臘月二十四夜祀竈其說謂竈神翌日朝天白一歲事故前期禱之其四日數粥行二十五日煮赤豆作糜暮夜

闔家同饗云能辟瘟氣雖遠出未歸者亦留貯口分至襁褓小兒及僮僕皆預故名日數粥豆粥本正月望日祭門故事流傳爲此其五爆竹行此他郡所同而吳中特盛惡鬼蓋畏此聲古以歲朝而吳以二十五夜其六燒火盆行爆竹之夕人家各又于門首燃薪滿盆無貧富皆爾謂之相暖熱其七照田蠶詞與燒火盆同日村落則以禿帚若麻蘆竹枝輩燃火炬縛長竿之杪以照田爛然徧野以祈絲穀其八分歲詞除夜祭其先竣事長幼聚飲祝頌而散謂之分歲其九賣癡獸詞分歲罷小

見繞街呼叫云賣汝癡賣汝歎世傳吳人多歎故
兒輩諱之欲買其餘益可笑其十打炭堆詞除夜
將曉雞且鳴婢獲持杖擊糞壤致詞以祈利市謂
打灰堆此本彭蠡清洪君廟中如願故事惟吳中
至今不廢云

冬春行

臘中儲蓄百事利第一先春年計米羣少步碓滿
門庭連杵成風雷動地篩勻箕健無糶糠百斛只
費三日忙齊頭圓潔箭子長隔籬輝日雪生光土
倉瓦龕分蓋藏不蠹不腐嘗新香去年薄收飯不
足今年頓頓炊白玉春耕有種夏有糧接到明年
秋刈熟鄰叟來觀還歎嗟貧人一飽不可賒官租
私債紛如麻有米冬春能幾家

燈市行

吳臺今古繁華地偏愛元宵影燈戲春前臘後天
好晴已向街頭作燈市疊玉千絲似鬼工剪羅萬
眼人力窮兩品爭新取先出不待三五迎東風兒
郎種麥荷鋤倦偷閒也向城中看酒場博塞雜歌
呼夜夜長如正月半災傷不及什之三歲寒民氣
如春酣儂家亦幸荒田少始覺城中燈市好

祭竈詞

古傳臘月二十四竈君朝天欲言事雲車風馬小
留連家有杯盤豐典祀豬頭爛熟雙魚鮮豆沙甘
鬆粉餌圓男兒酌獻女兒避酬酒燒錢竈君喜婢
子鬪爭君莫聞猫犬觸穢君莫嗔送君醉飽登天
門杓長杓短勿復云乞取利市歸來分

口數粥行

家家臘月二十五浙米如珠和豆煮大杓撩鎗分
口數疫鬼聞香走無處鏤薑屑桂澆蔗糖滑甘無
比勝黃梁全家團樂罷晚飯在遠行人亦留分祿
中孩子強教嘗餘波徧霑獲與臧新元叶氣調玉
燭天行已過來萬福物無疵癘年穀熟長向臘殘
分豆粥

爆竹行

歲朝爆竹傳自昔吳儂政用前五日食殘豆粥掃
罷塵截筒五尺煨以薪節間汗流火力透健僕取
將仍疾走兒童卻立避其鋒當階擊地雷霆吼一
聲兩聲百鬼驚三聲四聲鬼巢傾十聲百聲神道
寧八方上下皆和平卻拾焦頭疊牀底猶有餘威
可驅癘屏除藥裹添酒杯晝日嬉遊夜儂睡

燒火盆行

春前五日初更後排門燃火如晴晝大家薪乾勝
豆蕪小家帶葉燒生柴青烟滿城天半白栖烏驚
啼飛格磔兒孫圍坐犬雞忙鄰曲歡笑遙相望黃
宮氣應纔兩月歲陰猶驕風栗烈將迎陽艷作好
春政要火盆生暖熟

照田蠶行

鄉村臘月二十五長竿燃炬照南畝近似雲開森
列星遠如風起飄流螢今歲雨雹繭絲少秋日雷
鳴稻堆小儂家今夜火最明的知新歲田蠶好夜
闌風燄復西東此占最吉餘難同不惟桑賤穀苑
苑苧麻無節菜無蟲

分歲詞

質明奉詞今古同吳儂用昏蓋土風禮成廢徹夜
未艾飲福之餘卽分歲地爐火軟蒼朮香飴盤果
餌如蜂房就中脆餉專節物四坐齒頰鏘冰霜小
兒但喜新年至頭角長成添意氣老翁把杯心茫
然增年翻是減吾年荆釵勸酒仍祝願但願尊前
且強健君看今歲舊交親大人無此分老翁
飲罷笑撚鬚明朝重來醉屠蘇

賣癡獸詞

除夕更闌人不睡，厭禳鈍滯迎新歲。小兒呼呌走長街，云有癡獸召人買。二物于人誰能無，就中吳儂仍有餘。巷南巷北賣不得，相逢大笑相揶揄。櫟翁塊坐重簾下，獨要買添令問價。兒云翁買不須錢，奉賒癡獸千百年。

打灰堆詞

除夜將闌曉星爛，糞掃堆頭打如願。杖敲灰起飛撲籬，不嫌灰浣新節衣。老媪當前再三祝，只要我家長富足。輕舟作商重船歸，大特引犢雞哺兒野。繭可練，麥兩岐，短衲換著長衫衣。當年婢子挽不住，有耳猶能聞我語。但如我願不汝呼，一任汝歸彭蠡湖。

自嘲二絕

終日嘒嘒漫說空，觸來依舊與爭鋒。登時覺悟忙收拾，已是闍黎飯後鐘。

惡聲惡色橫相干，覲面須臾萬箭攒。不處聲都不動，方知我被見聞慢。

海棠欲開雨作

春睡花枝醉夢回，安排銀燭照妝臺。蒼茫不解東

風意政用此時吹雨來

雨再作正妨海棠

漂紅濕紫滿莓苔潑墨濃雲尙送雷風雨豈無他
日再何須隨卻海棠來

蠻觸

蠻觸紛拿室未虛心知懲忿欠工夫腹須空濶方
容物事過清涼已喪吾萬仞吾山高不極一團心
火蔓難圖從今立示寒灰觀笑看蒼黃走鄭巫

偶然

偶然寸木壓岑樓且放渠伊出一頭鯨漫橫江無
奈螳鵬雖運海不如鳩躬當自厚人何責世已相
違我莫求石火光中爭底事寬顏收拾付東流

曉泊橫塘

短夢難成卻易驚披衣欲漱玉池清遙知中夜南
風靜洶洶前村草市聲

次韻袁起岩瑞麥此麥兩岐已黃熟其間又
出一青枝亦已秀實傳記所未載也

民和神福固其宐况有仁光四者施吳稻卽看收
再熟周牟先已秀雙岐蕙風半老黃金穗梅雨重
春綠玉枝樂不可支聊發詠田間日日是芳時

次韻袁起岩甘雨卽日應祈

天遣賢侯惠此州隨車一雨緩千憂藥寮坐看雲
穿屋蓮棹歸將葉蓋頭三伏涼來那易得百年飽
外更何求合詞但祝爲霖手蚤待薰絃十二旒

劉德修少卿避暑惠山因便寄贈

鳴鳳朝陽尺五天匆匆忽過白鷗邊遙憐海內無
雙士獨酌人間第二泉決去君今身似葉贈行誰
有筆如椽老天但祝重相見未擬銷魂賦黯然

幽棲

幽棲先自懶衣裳秋暑熏肌汗似漿對客緒言多

勉強謀家生事總荒唐蚤眠不待星當戶晚飯常
占日半牆莫道閒中無外慕朝朝屈指望新涼

園林

園林隨分有清涼走偏人間夢幾場鐵硯磨成雙
雪鬢柔弧射得一繩牀光陰畫紙爲碁局事業看
題檢藥囊受用切身如此爾莫于身外更乾忙

七月十八日濃霧作雨不成

曉霧鄣朝暉日腳戰未透儻然成一雨亦足洗塵
簪江南富秋暑老穉呻永晝田間翻畏涼能糝嘉
穀秀昨朝東有虹光采照高柳占云天掠剩政恐

范石湖詩集十六
耗升斗陽光趣堅實乘除或相抹臞儒雖病渴且
復忍汗垢

戲贈勤長老

從君揮塵演金乘我已無心纏葛藤第一圓通三
鼓夢大千世界一窗燈罷叅栢子庭前意權作梅
花樹下僧飯飽閒行復閒坐人間有味是無能

次韻袁起岩送示郡沼雙蓮圖

珠淵玉水折方員湧出雙蓮照酒邊壓倒小湖三
級草增光後沼兩重蓮茗華名字元相並桃葉根
株本自連好把吳歛翻楚些楊荷新曲勝當年湖庭

湖寺舊得瑞象有草繞之投草湖中生三瓣紅蓮皮日休有重蓮詩云兩重元是一重心

次王正之提刑韻謝袁起岩知府送茉莉二

檻二首

千里移根自海隅風飄破浪走天吳散花忽到毘
邪室似欲橫機試病夫
燕寢香中暑氣清更煩雲髻插瓊英明妝暗麝俱
傾國莫與礬仙品弟兄

再賦茉莉二絕

薰蒸沉水意微茫全樹飛來爛熳香
休向寒鴉看日暮祇今飛燕待昭陽

憶曾把酒汎湘灘茉莉毬邊擘荔枝一笑相逢雙
玉樹花香如夢髻如絲飛來嫩豔香林向素襟

再賦郡沼雙蓮三絕

館娃魂散碧雲沉化作雙葩寄恨深千載不償連
理願一枝空有合歡心
池光欄檻倚斜暉把酒看花醉不歸但許鴛鴦相
對浴休驚翡翠一雙飛
兩岐秀罷已蒿萊春意還從菡萏回不是使君和
氣勝此花應向別人開

范村午坐

好風入修篁槁葉舞而墮斷續一蛩吟高下雙蝶
過凍樾午陰圓靜極成癡坐老便几杖供慵廢誦
絃課蒲團軟易暖困來百骸惰四旁無人聲誰驚
短夢破

讀白傅洛中老病後詩戲書

樂天號達道晚境猶作惡陶寫賴歌酒意象頗沈
著謂言老將至不飲何時樂未能忘暖熱要是怕
冷落我老乃多戒頗以僧律縛閒心灰不然壯氣
鼓難作豈惟背聲塵亦自屏杯酌日課數行書生
經一囊藥若使白公見應譏太蕭索當否竟如何

我友試商畧

秋夕不能佳眠

晝坐既摧頽夜臥亦展轉簡較百骸間無一得安
穩四大元假合解散會歸盡何煩造化兒前期苦
相窘咄咄方書窗發一笑輾都緣有我相浪把
此身認于中有安否隨卽生喜愠蟬聲耳根響蠅
翅目中暈無明徧大千祇自植愁本化兒安在哉
作詩謝不敏

王正之提刑見和茉莉小詩甚工今日茉莉
漸過木犀正開復用韻奉呈二絕

南花安夏不禁涼猶繞珍叢覓舊香留得典刑傳
菊圃別籥新酒待重陽

茉莉吟餘又木犀碧瑤葉底露金枝從今日日須
搜句莫遣硯池生網絲

復用韻記昨日坐中劇談及趙家琵琶之妙
呈王正之提刑二絕

病來六結總龜藏不用濃薰花定香花下酒邊非
我事但餘消瘦是東陽

曹穆新春和者稀如今妙手屬天支轉關護索都
傳得想見飛凰舞綠絲

正之云轉關六么護索梁州歷統薄媚醉今商胡渭

用此四曲承平時傳入
琵琶今不復有能傳者

再題白傅詩

香山歲晚惜芳辰
索酒尋花一笑欣
列子御風猶有待
鄒生吹律強生春
若將外物關舒慘
直恐中塗混主賓
此老故應淡解處
逢場聊戲眼前人

石湖中秋二十韻十二年前嘗與工部兄及

賓客爲此遊今有隔世者感今懷舊而作

野外行吾意城中寄卻愁
半秋三夜月千古五湖
舟湧地金芒發行天玉鏡
秋珠星沉不現銀漢黯
如收高浪連三境長風近
十洲水天雙對鏡身世

一浮漚迴白包元氣空
明熨病眸只憐心浩蕩不
管鬢纒纒放棹莫忘矣
關門有此不四并非易事
一笑亦難謀急管滲漁笛
清歌間棹謳逢迎成邂逅
嘯詠歡綢繆女擷蘋花
獻妻傾竹葉酌今宵如
不飲何處可忘憂憶昔誰
同賞于今歲恰周陟岡
睽魯衛伐木愴應劉獨歎
靈光在能追汗漫遊大都
緣未盡豈是病都瘳縱意
褰蓬席輕生倚柁樓節宣
誠小爽猶勝賦悲秋

中秋後兩日自上沙回聞千巖觀下巖桂盛

開棹舟石湖留賞一日賦兩絕

范石湖詩集卷之十九
金粟枝頭一夜開故應全得小詩催籃輿緩緩隨
兒女引入天香洞裏來
千巖觀下碧瑤林歲晚青青共此心隱士歸兮花
未老每年來把一杯淡

有會而作

拙是天資嬾是真本來何用戒香薰強
恩怨杜德機淡泯見聞念動卽時漂鬼國心空隨
處是魔軍室中已自空諸有休負天機與地文

戲題無常鐘二首

著衫脫袴兩浮休切莫隨渠認路頭三尺蒲牢關

底事尋巖接響大悠悠

合成四大散成空草木經春便有冬生滅去來相
對代爲君題作有常鐘

婺江黃昌偁元之校字

范石湖詩集卷之十九

終

范石湖詩集卷之二十

婺源黃昌衢康謠參訂

宣城袁啓旭士旦校閱

自箴三首

有對易成吟域無情那有從違癡人妄認逆境平地自生鐵圍

白傅病猶牽愛晁公老未斷嗔莫問是情是性但參無我無人

俗物汨陳大好家奴倒忤何誅泡幻初無典要光陰况已桑榆

題畢少董繙經圖

絳帳口沙暗青編古意淡誰知洛下詠中有越人吟

次韻袁起巖喜雨

使君精禱動仙靈月御俄從畢嚼經昨夜雲頭隨
皂蓋今朝雨腳挂青冥池光拍岸浮州宅湖面粘
天漲洞庭賸採吳歛歌歲事傳歸擊壤調中聽昨議

復池光亭
故因及之

再次喜雨詩韻以表隨車之應

仙客驅龍効木靈佛螺吹梵演雲經何煩礎汗生

蒸潤便借爐薰作晦冥一念故應周法界萬神元
不隔明庭昌時圭璧形聲應不似周詩莫我聽

三次喜雨詩韻少伸嘉頌

卿非賢牧故通靈幾負松陵耒耜經天籟侵晨占
少女雨師連夜檄元冥作霖豈必求商野召見誰
能右漢庭聞有追鋒傳好語從今側耳爲君聽

府公錄示和提幹喜雨之作次元韻

雨挾潮痕漲具區流渠泱泱繞幽居荷鋤日課都
忘倦抱甕天機本不疎且喜水平昌谷稻莫教雷
假介休車老翁飽外還多事更把林間種樹書

雨後田舍書事再用前韻
村村畦圃藝新區處處田廬葺舊居熟透晚梅紅
的礫展開新籜翠扶疎向來矜寡猶遺秉此去汗
邪又滿車誰解續經如魯史爲將連歲有年書

放下菴卽事三絕

無風香篆吐長絲書架凝塵不下帷鳥鵲聲和晴
日暖午窗捫蝨坐多時

病後天魔不戰降夢中千頃白鷗江心空境寂聲
塵盡卻愛秋蠅撲紙窗

閉門幽僻斷經過靜極兼無雀可羅林下故人知
幾個就中老子得閒多

寄題西湖并送淨慈顯老三絕

南北高峰舊往還芒鞋踏徧兩山間近來卻被官
程累三過西湖不見山

膏肓泉石痼烟霞半世遊山不著家老入蒲團三
昧定坐看穿膝長蘆芽

中秋月了又更花卯後新醅午後茶到沒工夫譚
不二文殊休更問毘那

題藥籠

合成四大本非真更有千般病染身地水火風都

散後不知染病是何人

淨慈顯老爲衆行化且示近所寫真題五絕
就作像贊

孤雲野鶴本無求剛被差充粥飯頭擔負一筵牙
齒債鐘鳴鼓響幾時休

冒雪敲冰乞米廻齋堂如海鉢單開衆中若有知
恩者一粒何曾咬菜來

千里驅馳出爲人顏容消瘦老來真食輪轉後無
餘事莫學諸方轉法輪

何時平地起浮圖化得冬糧但付廚推倒禪牀并
挂杖饑來喫飯看西湖

殿中泥佛已丹青堂上禪師也畫成笑我形骸枯
木樣無禪無佛太龕生

老態

浮生自有老規模寒燠隨宜不用拘未盡九秋先
挾纊猶賒十月已開爐一心定後冥欣厭四大安
時適慘舒若使強追年少事真成赤手縛於菟

憶昔

鉛刀曾齒鑊鄒銛遊倦歸歟雪滿髯柳帶受風元
不結荷盤承露竟無黏逢場鼓笛如灰冷送老藿

鹽似蜜甜留得本來真面目行藏何假問龜占

梅林先生夫人徐氏挽詞二首

擇對鳴珂里宐家駟馬門肅雍成孝敬燕喜助平
反閱世彌三壽還鄉忽九原松風搖草露愁絕後
堂萱

昔造鯉庭後嘗瞻林下風一從隨地遠五度閱星
終教戒恩勤在驚呼夢幻空送車知幾兩獨欠舊
孤童

胡長文給事挽詞三首

結綬叅高妙垂紳侍邃清紫荷青鎖闥玉帳錦官

城行矣超龜列始終鬱驥程寂寥經濟事遺恨入
銘旌

許國心如日還家鬢未星四并供燕喜萬事付櫻
寧東牖尊猶湛南園醉不醒淒涼招隱路苔蝕履
綦青

媼館交情厚官聯事契長鳴珂朝並轡秉燭夜傳
觴何意塘蒲晚翻哦薤露章羸軀如可強慟哭踞
湖岡

次韻王正之提刑大卿病中見寄之韻正之
得請歸四明併以餞行

名卿緒前輩風格如玉山纍纍培塿中見此高孱
顏攬轡忽思歸無人解糜賢飄飄駕柴車浮雲視
朱丹向來小病惱體力今已安胡爲犯風雪江湖
行路難呼酒暖征衫寧計斗十千倡酬每不數長
懷悲短緣離合固嘗事匆忙增惘然浩蕩海山春
坐臨想臞仙笑我守荒徑老繭溪裏纏擬題憶公
句思咽冰下泉遲公寄新作使我頭風痊

戲題趙從善兩畫軸

家有琵琶妓甚工病翁未得見借此畫戲之

一枝香杏一枝梅各占東風挂玉釵居士石腸都
似夢王孫心眼怎安排

無笑無言兩斷魂一杯誰爲暖霜寒情知便有真
真在試與千呼萬喚看

搔頭珠重步微搖約臂金寒束未牢要見低鬟揜
玉腕更須斜抱紫檀槽

枕上六言二首

寒更寂歷向曉短夢參差屢驚雞鳴似喚我醒犬
吠知有人行

獨眠被出圭角晏起帳承隙光一老綢繆牖戶幾
人顛倒衣裳

喜收知舊書復畏答書二絕

故人寥落似晨星珍重書來問死生筆意不如當日健鬢邊應也雪千莖

強裁尺素答相思兩目眵昏腕力疲牽率老夫令至此門前猶說報書遲

簡畢叔滋覓牡丹

冷落韶光穀雨寒一年孤負倚欄干欲知春色偏濃處須向香風逕裏看

再賦簡養正

南北梅枝噤雪寒玉梨皴雨淚欄干一年春色摧殘盡更覓姚黃魏紫看

春日覽鏡有感

習氣不解老壯心故嗟峨忽與鄉曲齒方驚午許多有眼不自見尙謂朱顏酡今朝鏡中逢憔悴如枯荷形體既遷變歲華復蹉跎悟此吁已晚既悟當若何烏死兩惡劇不滿一笑呵但淬割劍何須揮日戈兒童競佳節呼喚舞且歌我亦興不淺健起相婆娑

故太夫人章氏挽詞二首

洵美相門裔有齊邦媛賢藻蘋南澗下萱竹北堂前孝敬三從謹衰榮五福全松銘諸健筆題作晉

陵阡

積慶今如許生兒得寧馨
軻親躬受教韋子世傳
經壽學明卿月安輿拱使星
市橋何處在夢斷一
溪清

舅母大夫人方氏挽詞三首

四德儀邦族三遷式里門
姑寧憂疾痛子自樂平
反憂枕方供扇薰堂甫種萱
那知秋暑退無復御
輕軒

門戶傳清白階庭侍紫青
百年歌燕喜五福用康
寧訣錄嘗觀妙旒旌謾勒銘
神遊定超絕何必訊

泉扃

我願延陵道幾如渭水陽
適傳杯泛影何意隙沉
光擬補蘭陔雅翻吟薤露章
支離妨執紼雨泣望
楸行

壽櫟堂前小山峰凌霄花盛開
葱蒨如畫因
名之曰凌霄峰二首

天風搖曳寶花垂花下仙人住
翠微一夜新枝香
焙煖旋薰金縷綠羅衣

山容花意各翔空題作凌霄第一峰
門外輪蹄塵
撲地呼來借與一枝筇

范石湖詩集八
代兒童作立春貼門詩三首

剪綵宜春勝泥金祝壽幡雪梅同雲鬢相對兩陵寒

綠野添花徑青春引杖藜家人行樂處雙勸玉東西

盛族摧山長修齡號櫟翁屏花春不老日日是春風

代兒童作端午貼門詩三首

畫閣圍香裏明窗晏坐中兵符不須篆丹轉藥爐紅

管領神仙似追陪山長家往來惟意適歌舞對年華

添筒不費名田課昌歎多浮樂聖杯笑倩艾人看外戶北窗淡處詠歸來

重陽不見菊二絕

節物今年事事遲小春全未到東籬可憐短髮空
欹帽欠了黃花一兩枝

冷蘂蕭疎蝶懶飛商量何日是花時重陽過後開
無害只恐先生不賦詩

古風送南卿

范石湖詩集卷九
廬阜有佳人顏色皦冰玉不能時世妝蕭然古冠
服紛紛倚市門組麗眩紅綠妖歌促艷舞飛上黃
金屋安知乘鸞侶留落隨空谷風泉入環珮月露
作膏馥梁肉豈不珍淪雪煮黃獨聊用慰朝饑歲
寒膚起粟綺叢三尺塵無路到松竹誰能撫孤桐
爲奏招隱曲

偶至東堂

岸噴蕭騷雪滿簪一閒真是直千金歸來栗里多
情語病後香山少醉吟久坐蒲團蕉葉放開施藜
杖鮮花淡饑時喫飯慵時睡何暇將心更覓心

李郎中挽詞二首

劇郡思賢牧名曹失望郎六參能幾日兩鬢未全
霜雪木新阡遠桐川舊隱荒絕憐垂白母淚血獨
還鄉

憶昔單車使惟君勇輔行馬墜招共載羝乳約同
盟老去長懷白悲來遽隔生故人凋落盡衰涕不
勝橫

謝江東漕楊廷秀秘監送江東集并索近詩

二首

遠道悠悠日暮雲愁眉今夕爲君軒殘燈獨照江

東集短夢相尋白下門卽事想多梅蘂句有誰堪
共桂花尊斯文有賴斯人在會合何時得細論
禿翁衰雪涕垂頤髣髴三生嬾散師淡髓淪膚都
是病傾因倒廩更無詩笑看筆格網絲徧閒數窗
櫺花影移事業光陰今若此故人休說舊襟期

霜後紀園中草木十二絕

菊花芙蓉退化工少均逸蚤晚梅花動從此無閒
日
遮藏茉莉檻纏裹芭蕉身我亦入室處忍寒待陽
春

製芰亦不急緼袍堪禦冬從渠抱枝槁槭槭鳴霜
風

種葵如種麥隔歲已下子僅成一幹花浪備四時

氣

棠梨芳意多頗惜歲晚晚因勤小春花特地慰愁

眼

牡丹初剪時已具新花眼代謝不容髮笑殺鐵門

限

客從揚州來遺我揚州花筠籠貯枯卉明年擅春

華

風倒餘藤架長條頭搶地趁渠未萌芽政可相料
理
清露染柿葉荒園有佳趣留連伴歲晚莫作流紅
去
真珠綴玉船梧子炒可供莫嫌能墮髮老夫頭已
童
桃能驅不祥霜後葉鋪地抱枝崑崙奴猶解禦螭
魅
門冬如隸長年護階除生兒乃不凡磊落玻璃
珠

以狻坐覆蒲龕中

蠹蝕度昏塵幾年蒙茸依舊軟如綿且來助暖烏
皮几莫憶衝寒紫繡鞵

再到虎丘

不過溪橋又兩年偶隨筇竹訪幽禪有緣再踏雲
巖路無處重尋石井泉擬輟半山分座任先攜一
枕借林眠覺來飽喫紅蓮飯正是塘東稻熟天
石井在張又新東南木品第三今寺僧不能名其
處妄指寺中一土井當之經藏後有大方井舊名
井觀音

虎丘六絕句

當年揮麈講何經
賺得堅頑倒耳聽
我自吟詩無法說
石頭莫作定盤星

右點頭石

聽經人散蘚花深
千古誰能更賞音
只好岸巾披鶴氅
風清月白坐彈琴

右千人坐

碧泓白石偃樛枝
愛木嫌風老更低
潭影中間龍影臥
一山好處没人題

右白蓮池

五罇泓渟劍氣潛
誰將樓閣苦莊嚴
只知暖熟遊人眼
不道蒼藤翠木嫌

右劍池

碧障橫陳似斷鼇
畫樓相對兩雄豪
東軒只有雲千頃
不似西山爽氣高

右致爽閣

鼓板鐘魚徹曉喧
誰云方外事蕭然
窗間日薄寒烟重
未到齋時我正眠

右方丈南窗

雪寒圍爐小集

席簾紙閣護香濃
說有談空愛燭紅
高飭羶根澆杏酪
旋融雪汁煮松風
康年氣象冬三白
浮世功名酒一中
無事閉門渠易得
何人躡履響牆東

白玉樓步虛詞六首

有序

趙從善示余玉樓圖
其前玉階一道橫
跨綠霄中琪樹垂珠網
挾階兩傍綠霄之外周
以玉欄欄外方是碧落階
所接亦玉池中間湧起玉樓三重干

門萬戶無非連璐重壁屋覆金瓦屋山綴紅牙垂
璫四簷黃簾皆捲樓中帝座依約可望紅雲自東
來雲中虛皇乘玉輅駕兩金龍侍衛可見者靈官
法服騎而來侍二人力士黃麾前導二人儀劍四
人金圍子四人夾輅黃幡二人五色戟帶二人珠
幢二人金龍旂四人負納階而後從二人雲頭下
垂將至玉階樓前仙官冠帔出迎方下階雙舞鶴
行前雲駕之傍又有紅雲二其一仙官立幢節間
其二女樂並奏玉樓之後又有小玉樓六其制如
前寶光祥雲前後蔽虧或隱或見小樓之前獨爲

金地亦有仙官自金地下迎傍小樓最高處有飛
橋直瑤臺仙人渡橋登臺以望名數可紀者大略
如此若其景趣高妙碧落浮黎青冥風露之境則
覽者可以神會不能述于筆端此畫運思超絕必
夢遊帝所者髣髴得之非世間俗史意匠所到明
窗淨几盡卷展玩恍然便覺身在九霄三景之上
奇事不可以不識簡齋有水府法駕導引歌詞乃
倚其詞作步虛詞六首以遺從善羽有不俗者使
歌之于風清月白之下雖未得仙亦足以豪云
珠霄境卻似化人宮梵氣彌羅融萬象玉樓十二

倚清空一片寶光中

浮黎路依約太微問雪色寶塔千萬丈人聞遙作
白虹看幢節度高寒

罡風起背負玉虛廷九青烟中寒一色扶欄四面
是青冥環拱萬珠星

流鈴響龍馭繭雲來夾道騫綵籠綵仗紅雲扶輅
輾天街迎駕鶴氅

鈞天奏流韻滿空明琪樹玲瓏珠網碎仙風吹作
步虛聲相和入鸞鳴

樓闌外輦道插非烟閒上鬱蕭臺上看空歌來自

始青天揚袂揖飛仙

送趙從善少卿將漕淮東

玉筍風標右漢廷起家聊直使車星古來將相多
頭黑此去功名尙髣青披草兩年南北巷折梅明
日短長亭門前車轍從今少寂寞柴荆且斲局

范村雪後

習氣猶餘燼鍾情未濕灰忍寒貪看雪諱老強尋
梅熨貼愁眉展勾般笑口開直疑身健在時有句
飛來

寒夜觀雪

范不波詩集十五
靜極孤鴻響寒疑萬籟暗眼花燈下字髭斷雪中
吟頗似償前債非關惜寸陰可憐蝴蝶夢翻作蠹
書蟬

瓶花二首

水村攜蠟梅來作散花雨但驚醉夢醒不辨香來
處

小梅未可折不折惜空回擁鼻撚一枝也道探春
來

瑞香三首

小檻移秀色端來媚禪房道人不解飲醺然醉天

香

紫■感繡被團欒覆衣篝濃薰百和香韻極卻成

愁

一叢三百朶細細折濃檀簾幕護花氣不知窗外

寒

廛居久不見山或勸作小樓以助登覽又力
不能辦今年益衰此興亦闌矣

結廬占城市初豈卜云吉謁醫併治庖二事便衰
疾乘除徐自笑翻覺此計失經年不見山無異處
暗室平生痼烟霞歲晚成俗物安得百尺樓屋上

高突兀兀列岫擁青來爽氣動佔畢嘗試與匠謀工
費蝟毛出俸餘強弩末家事空囊澀經營十餘年
高興竟蕭瑟人生不如意十事常六七身今况遲
暮長算屈短日縱成此段奇髮白何由漆且學商
山翁彎跼蟄霜橘

愛雪歌

平生愛雪如子猷江湖乘興嘗汎舟長篙斲冰陰
火迸玉板破碎凝不流琮瑋大聲出船底兩舷戛
擊鏘鳴球棹夫披蓑舞白鳳灘子挽絳拖素虬時
開蓬窗愛清供風捲花絮飛來稠飄飄著衣寶唾

住片片入酒春酥浮醉中榜入玉烟去耳熱不管
寒颼颼大千空濛到何許日暮未肯回船頭夜淡
凍合隨處泊歌呼遠晚魚龍愁明朝掬雪頰且漱
揮毫落紙雲烟適新詩往往成故事我今句法留
滄州推遷華年絃柱換俯仰歸髣塘蒲秋曉衾聞
雪亦健起經欲一棹追昔遊氈衫胖肛束渾脫絮
帽匝匝蒙兜鍪十步出門九步坐兒子遮說相苛
留謂言此是少年事歲晚牖戶當綢繆萬景無窮
鼎鼎至百年有限垂垂休夢隨落鴈墮沙觜愁對
饑鴟蹲瓦溝重尋勝踐可復許且挹清寒揩病眸

須臾未遽妨性命呼童盡捲風簾鉤

牆外賣藥者九年無一日不過吟唱之聲甚
適雪中呼問之家有十口一日不出卽饑寒
矣

十日啼號責望淡寧容安穩坐氈針長鳴大咤欺
風雪不是甘心是苦心

大雪送炭與芥歸

無因同撥地爐灰想見柴荆晚未開不是雪中須
送炭聊裝風景要詩來

雪後苦寒

旋融簷滴凍琅玕風力如刀刮面寒雪陣攬空風
卻軟天公知我倚欄干

新歲書懷

門闌知閒好窗晴與睡安歲華書戶筆年例探梅
詩看長棋三著量添飯兩匙豁除身外事未是苦
衰遲

次韻養正元日六言

歲踰耳順俄七年去古稀只三從今蓮葉巢隱誰
在槐柯戰酣臍下丹田休想口邊白醜罷叅渴飲
饑餐困睡是名直學瞿聃

養正詩云流年五十踰
二明日半百過三蓋五

十三歲也
句甚工

次韻姜堯章雪中見贈

玉龍陣長空鼻北忽先犯鱗甲塞天飛戰逐三百
萬當時訪戴舟卻訪一寒范新詩如美人蓬華愧
三粲

次韻徐提舉石湖三絕

三徑荒蕪岫幌開錦車何事肯徘徊春風想爲高
人住落絮殘花好在哉

日腳烘晴已破烟山頭雲氣尙披綿卻須多謝朝
來雨洗靜明湖鏡裏天

天上麒麟翰墨林當家手筆擅文心欲知萬頃陂
中意但向三篇句裏尋

閏月四日石湖衆芳爛熳

北垞南岡總是家兒童隨逐任驩譁開嘗臘尾蒸
來酒點數春頭接過花盡把園林蒙錦繡多添門
戶鎖烟霞杖藜想被東風笑扶卻衰翁管物華

檢校石湖新田

今朝南野試開荒分手耘耨草棘場下地若干全
種秫高原無幾謾栽桑蘆芽碧處重增岸梅子黃
時早濬塘田里只知溫飽事從今揅卻半年忙

致政孫從政挽詞

丈室推居士安車稱老夫回骸桑下餓續命轍中
枯重道幾三叟輕財似八厨欲知潛德報青紫付
遺孤

寄題林景思雪巢六言三首

大地九木徹底小巢四壁俱空只有梅花同調雪
中無限春風
何處溫泉火井誰家熊席狐裘堂燕幾番炎熱水
蠶一繭綢繆
萬境入冬盡絕百圍天籟都沉惟餘冷淡生活時

復然髭凍吟

枕上二絕

藤枕頻移觸畫屏無聊滋味厭殘更寒雞且道貪
眠著窗紙如何不肯明
枕前百念忽紛然舊學新聞總現前現到天明無
可現依前還我日高眠

送文處厚歸蜀類試

萬里東來萬里歸正憐寡婦與孤兒死生契濶心
如鐵風雨漂搖鬢欲絲早振漢廷陪振鷺莫留岷
嶺戀蹲鴟故家零落今餘幾門戶非君更屬誰

處厚

疾命李高客死成都制置使京仲遠誘
送其家扶護還吳慨然遠來忘其勞費

重送文處厚因寄蜀父老三首

江上連橋疊鼓行不爭微利卽爭名
算來無似君
瀟灑來往空船載月明

下峽東歸十五年因君訪舊意茫然
煩將遠道悠
悠夢直到天西暑雪邊

灌口江源不斷流峨眉山月幾番秋
江山好處吾
能記爲問江山記客不

虎丘新復古石井泉太守沈虞卿舍人勸農
過之爲賦三絕

勸君堂上醉高年和氣春風共藹然大士亦修隨
喜供夜來古井躍新泉

落紙雲烟墮翠巒一泓潭月鬪清泉鳳凰池上揮
毫手卻掬山泉淬筆端

傳聞公作新亭好先報農家拄杖知便擬挈瓶來
煮茗繞欄干角徧尋詩

連夕大風凌寒梅已零落殆盡三首

枝南枝北玉初勻半夜顛風捲作塵春夢都無三
日好一冬忙殺探梅人

玉雪飄零賤似泥惜花還記賞花時賞花不許輕

攀折只許家人戴一枝

花開長恐賞花遲
花落何曾報我知
人自多情春不管
強顏猶作送春詩

唐懿仲諸公見過小飲凌寒殘梅之下二首

春風動是隔年期
更對殘花把一卮
少待和烟和月看
依稀猶是半開時

問人何處是花蹊
香玉勻鋪不見泥
莫怪山翁行步滿
更無空處著枯藜

雲露堂前杏花

蠟紅枝上粉紅雲
日麗烟濃看不真
浩蕩光風無

畔岸如何鎖得杏園春

夢覺作

年增氣血減藥密
飲食稀氣象不堪說
頭顱從可知忽作
少年夢嬌癡逐兒嬉
覺來一惘然形骸乃
爾衰夢中觀河見
只似三歲時方悟
夢良是卻疑覺時非

次韻陳融甫支鹽年家見贈二首

范村如荒村一老雪
垂領高軒款門來
驚破雀羅靜披草
出迎客玉笋森秀
整短章雖寂寞染
指已嘗鼎歸驂不可駐
晨昏思定省

乃翁一經傳播獲了家事短檠寓真樂尺璧豈良
貴年家有寧馨令我喜無寐加鞭翰墨場一躍羣
空冀

聞石湖海棠盛開亟攜家迎之三首

東風花信十分開細意留連待我來開過十分風
不動更無一片點蒼苔
家人扶我錦城頭蜂蝶團中爛漫遊報答春光須
小醉紅雲洞裏按伊州
低花妨帽少移筇
淡淡燕脂一萬重不用高燒銀
燭照暖雲烘日正春濃

寄題毛君先生蓮華峰菴

天台一萬八千丈蓮華峰在諸峰上峰前結屋屋
打頭獨有幽人自來往湖海雲遊二十春歸來還
作住菴人漫山苦蕒食不盡繞屋長松爲四鄰丹
訣三千滿雲笈往來且喜無交涉清晨石上一爐
香此時天地皆忻合我衰無力供樵蘇尚能相伴
暖團蒲但願瘦筇緣未斷會把蓮峰分一半

婺江黃昌祖際五校字

范石湖詩集卷之二十

終